

Батыс Қазақстан облысы әкімдігі білім басқармасының Орал қаласы білім беру бөлімінің «41 мектеп-лицей» коммуналдық мемлекеттік мекемесі (ары қарай Мектеп-лицей) ЖАРҒЫСЫ негізінде мектеп-лицейге қабылдау тәртібін айқындау мақсатында мектептің педагогикалық КЕҢЕСІ мектепке 2023-2024 оқу жылына оқушылар қабылдау ережесін (ары қарай Ереже) бекітеді.

(2023 жылғы 24 наурыздағы №6 Педагогикалық кеңес шешімімен)

МЕКТЕПКЕ 2023-2024 ОҚУ ЖЫЛЫНА ОҚУШЫЛАР ҚАБЫЛДАУ ЕРЕЖЕСІ

I. Жалпы ережелер

1. 2023-2024 оқу жылына лицей сыныптарға қабылдау 5, 7 сыныптарға жүргізіледі.
2. 2023-2024 оқу жылына лицей сыныптарына оқушыларды қабылдау конкурстық негізде, сәйкесінше 4, 6 және 9-сыныптарды оқып аяқтаған оқушылар арасында жүргізіледі.
3. 2023-2024 оқу жылына 41-мектеп-лицейі оқушыларын бағдарлы сыныптарға бөлу 6-сынып оқушылары үшін жүргізіледі. Бағдарлы сыныпқа бөлу оқушының ата-анасының немесе заңды өкілінің 2023 жылдың мамыр айында жазылған өтініші негізінде, мамыр айында өтетін №7 педагогикалық кеңестің шешімімен бекітіледі.
4. Конкурсқа құжат қабылдау оқушының ата-анасының немесе заңды өкілінің Қабылдау комиссиясына жазылған өтініші негізінде жүргізіледі **(1-қосымша)**.
5. Конкурсқа қатысу үшін қажетті құжаттар тізбесі анықталады. **(2-қосымша)**
6. Мектептің статусына сай, Конкурсқа қатысу үшін қажетті талаптар анықталады.
7. Конкурс өткізудің кестесі бекітіледі және әрбір жоспарланған жұмыс қатаң түрде осы кесте бойынша жүргізіледі.
8. Конкурс бейіндік және негізгі пәндерден емтихан алу арқылы ұйымдастырылады.
9. Оқушылар қабылдау мақсатында конкурс ұйымдастыру үшін **Қабылдау комиссиясы** құрылады. Қабылдау комиссиясының төрағасы мектеп директоры болып табылады.
10. Қабылдау емтихандарын өткізу үшін және емтихан жұмыстарын бағалаудағы даулы мәселелерді шешу үшін мектеп мұғалімдері арасынан жұмыс топтары құрылады.
11. Конкурсқа құжаттарды қабылдаудан бас тарту болып табылатын себептер:
 - 1) конкурстық іріктеуге қатысуға белгіленген мерзімнен кейін өтініш білдіру;
 - 2) конкурсқа қатысу үшін қажетті талаптардың орындалмауы;
 - 3) конкурсқа қатысу үшін анықталған қажетті құжаттар толық болмауы.
12. Мектепке оқушылар қабылдау туралы ақпарат жұртшылыққа Конкурс өткізілместен бұрын хабарланады.
13. Хабарландыру және қабылдау Ережесі ағымдағы жылдың сәуір айының бірінші онкүндігінде мектеп-лицейі сайтына (<http://41-mektep.edu.kz/>), әлеуметтік желілердегі мектеп-лицейінің парақшаларына және мектеп дәлізіндегі электронды ақпарат тақтасына шығарылады.

II. Лицей сыныптарына қабылдау үшін конкурс өткізу

1. 5-сыныптарға оқушылар қабылдау үшін жүргізілетін конкурсқа **4-сыныпты «үздік» және «оқу екпіндісі» үлгерімімен оқып аяқтаған оқушылар** қатыса алады.
Конкурс өтетін мерзім: 2023 жылдың 17 мамыры мен 22 мамыр аралығы.
Емтихан тапсырылатын пәндер және өту форматы:
 - a. Оқу сауаттылығы, жазбаша түрде.
 - b. Математика және логика, жазбаша түрде.Емтихан ұзақтығы: жалпы 80 минут.

2. Бағдарлы (физика-математика және жаратылыстану бағыты) 7-сыныптарға оқушылар қабылдау үшін жүргізілетін конкурс жасақталған 7-сыныптардағы бос орындарға ғана жүргізіледі. Оған **6-сыныпты «үздік» және «оқу екпіндісі» үлгерімімен оқып аяқтаған оқушылар** қатыса алады.

Конкурс өтетін мерзім: 2023 жылдың 14 - 18 тамызы аралығы.

Физика-математика бағытына емтихан тапсырылатын пәндер және өту форматы:

- I. Оқу сауаттылығы, жазбаша түрде
- II. Математика және логика, жазбаша түрде
- III. Математика, жазбаша түрде.

Емтихан ұзақтығы: жалпы 100 минут.

Жаратылыстану бағытына емтихан тапсырылатын пәндер және өту форматы:

- I. Оқу сауаттылығы, жазбаша түрде
- II. Математика және логика, жазбаша түрде
- III. Жаратылыстану, жазбаша түрде.

Емтихан ұзақтығы: жалпы 80 минут.

3. Бағдарлы 10-сыныптарға (**химия-биология бағыты, физика-география бағыты**) оқушылар қабылдау үшін жүргізілетін конкурсқа №41 мектеп-лицейінің оқушылары және **басқа мектептерде 9-сыныпты «үздік» және «оқу екпіндісі» үлгерімімен оқып аяқтаған оқушылар** қатыса алады.

Конкурс өтетін мерзім: 2023 жылдың 19-23 маусым аралығы.

Физика-география бағытына емтихан тапсырылатын пәндер және өту форматы:

- I. Физика, жазбаша түрде
- II. География, жазбаша түрде
- III. Математика, жазбаша түрде.
- IV. Қазақстан тарихы, жазбаша түрде.

Емтихан ұзақтығы: жалпы 150 минут.

Химия-биология бағытына емтихан тапсырылатын пәндер және өту форматы:

- V. Химия, жазбаша түрде
- VI. Биология, жазбаша түрде
- VII. Математикалық сауаттылық, жазбаша түрде.
- VIII. Қазақстан тарихы, жазбаша түрде.

Емтихан ұзақтығы: жалпы 120 минут.

№41 мектеп-лицейінде негізгі мектеп курсы «Ерекше үлгідегі» аттестатпен оқып аяқтаған оқушылар таңдаған бағыты бойынша 10-сыныпқа конкурстан тыс қабылданады.

4. Емтихан өткізу тәртібі:

4.1. Жазба жұмыстарын орындау және ауызша жауап беруге дайындалу үшін үміткерлерге мектептің бұрыштама мөртабаны басылған қағазы беріледі. Жұмысты орындаған үміткерлер оны шимай қағазымен бірге емтихан кезіндегі кезекшілерге тапсырады.

4.2. Берілген уақытта аяқтай алмаған үміткерлер жұмысты аяқталмаған күйде тапсырады.

4.3. Жазба емтиханын өткізу кезеңінде (диктанттан басқа) үміткерге сыныптан 5 минутқа шығуға рұқсат етіледі. Бұл жағдайда ол жұмысын емтихан алушы кезекші мұғалімге тапсырады, емтихан жұмысында үміткердің емтиханнан шығу ұзақтығы көрсетіліп жазылады.

4.4. Емтихан материалдарын таратуға, аудиторияда тәртіп ережелерін түсіндіруге бөлінген уақыт белгіленген уақытқа кірмейді.

4.5. Емтихан кезінде байланыс құралдарын (ұялы телефон, планшет, т.б.), электронды есептеу құралдарын (калькулятор, басқа да есептеу құралдары) қолдануға болмайды.

4.6. Химия пәнінен емтихан кезінде Менделеев кестесі мен қышқылдардың, тұздардың және негіздердің суда ерігіштігі кестесін қолдануға рұқсат етіледі.

4.7. Емтихан кезінде тәртіп бұзған талапкерге акт толтырылып, емтиханнан шеттетіледі.

III. Конкурса қатысу үшін қажетті құжаттар тізбесі

1. 5(7)-сыныпқа қабылдау үшін Конкурса қатысуға қажетті құжаттар тізбесі:

- 1.1. Берілген үлгідегі ата-анасының немесе заңды өкілінің өтініші
- 1.2. Оқушының 4(6)-сыныптағы сабақ үлгерімі туралы табелінің көшірмесі.
- 1.3. Оқушының туу туралы куәлігінің көшірмесі (ЖСН бірге)

2. Бағдарлы 10-сыныптарға қабылдау үшін Конкурса қатысуға қажетті құжаттар тізбесі:

- 2.1. Берілген үлгідегі ата-анасының немесе заңды өкілінің өтініші
- 2.2. Оқушының негізгі мектепті бітіргендігі туралы аттестатының көшірмесі
- 2.3. Оқушының туу туралы куәлігінің көшірмесі (ЖСН бірге)
- 2.4. Бар болса қалалық, облыстық, Республикалық, Халықаралық пәндік олимпиадалар мен ғылыми жобалар сайысының грамоталарының көшірмесі.

Конкурса тапсырылған үміткердің құжаттары кері қайтарылмайды.

IV. Емтихан қорытындысын қайта қарау тәртібі

1. Мектепке оқуға түсетін үміткерлердің құқықтарының қорғалуын қамтамасыз ету, үміткерлерді іріктеудің бірыңғай талаптарын сақтау және конкурс өткізу кезеңінде тапсырмаларды бағалауда даулы мәселелерді шешу мақсатында апелляциялық комиссия жұмыстанады.

2. Үміткердің конкурс тапсырмаларын бағалау нәтижесімен келіспеген жағдайда, нәтижелер жарияланғаннан кейін бекітілген жұмыс кестесіне сәйкес апелляциялық комиссияға жолығуға құқығы бар.

3. Апелляцияға өтініш үміткердің бағасының төмендеуіне әкелген конкурс шараларының бұзылғандығы немесе оның ойынша, конкурс тапсырмалары үшін қойылған бағаның қате екендігін көрсеткен жағдайда жасалады.

4. Апелляцияда қаралмайтын мәселелер:

- 1) конкурс тапсырмаларының мазмұны мен құрылымы;
- 2) үміткердің нәтижесінің төмендігі конкурс тапсырмаларын орындау кезіндегі белгіленген тәртіп ережелерін бұзғандығымен байланысты болса.

5. Апелляцияны қарастыру барысында конкурс тапсырмаларының дұрыс бағалануы тексеріледі. Емтихандарды қайта тапсыруға жол берілмейді.

6. Апелляциялық комиссия конкурс тапсырмаларының нәтижелерін сол қалпында қалдыруға немесе конкурс тапсырмаларын бағалау нәтижелеріне өзгеріс енгізуге шешім қабылдайды. Осыған байланысты үміткерге балл қосқаны туралы конкурс комиссиясына ұсыныс енгізеді және апелляция қорытындылары туралы апелляцияға берген тұлғаларды ақпараттандырады.

V. Қабылдау тәртібі.

1. Қабылдау комиссиясы емтихандардың қорытындысы бойынша үміткерлерді мектепке қабылдауға хаттамалық шешім шығарады. Осы шешім негізінде оқушылар «Бастауыш, негізгі орта және жалпы орта білімнің жалпы білім беретін оқу бағдарламаларын іске асыратын білім беру ұйымдарына оқуға қабылдаудың үлгілік қағидаларын бекіту туралы» Қазақстан Республикасы Білім және ғылым министрінің 2018 жылғы 12 қазандағы № 564 бұйрығы негізінде тамыз айында мектепке қабылданады.

2. Жасақталатын сыныптың толымдылығын және қабылдау критерийлерін анықтау
Қабылдау комиссиясының құзiретiнде.

3. Қабылдау кезiнде қалалық, облыстық, Республикалық, Халықаралық пәндiк олимпиадалар мен ғылыми жобалар сайысының жеңiмпаздарына басымдықтар берiледi.

4. Мектепке қабылданатын үмiткерлер тiзiмi конкурc комиссиясының хаттамаға қол қойған күнiнен бастап, жұмыс жоспарына сай мектеп-лицейдiң сайтында жарияланады.

VI. Қорытынды Ережелер

1. Конкурстық iрiктеуден өтiп, оқуға қабылданатын үмiткерлердiң ата-аналары үшiн мектеп әкiмшiлiгi қатысуымен жиналыс өткiзiледi. Жиналыста мектептiң iшкi тәртiбi таныстырылады.

2. Осы Ережеде реттелмеген мәселелер Қазақстан Республикасының қазiргi заңнамасы және бекiтiлген iшкi құқықтық актiлерiне сәйкес жұмыс органымен шешiледi.